



Bosnia and Herzegovina  
Federation of Bosnia and Herzegovina

**CANTON SARAJEVO**  
**Professional Office for Common affairs**

Broj: 17-11-48804-4/20  
Sarajevo, 07.12.2020. godine

Na osnovu člana 22. stav (1) tačka d), člana 28., člana 64. stav (1) tačka b) i člana 70. stav (1) Zakona o javnim nabavkama ("Sl. glasnik BiH", broj 39/14), člana 6. Uredbe o obrazovanju Stručne službe za zajedničke poslove Kantona Sarajevo ("Sl. novine Kantona Sarajevo" br. 5/06 – Prečišćeni tekst), a na Preporuku Komisije za nabavku roba u postupku javne nabavke mobilnih aparata u okviru tarifnog modela "top tima" putem pregovaračkog postupka bez obavještenja o nabavci za potrebe Kantona Sarajevo, načelnik Stručne službe za zajedničke poslove, je donio

**Odluku o izboru najpovoljnijeg ponuđača u postupku javne nabavke mobilnih aparata u okviru tarifnog modela "top tima" putem pregovaračkog postupka bez obavještenja o nabavci sa jednim ponuđačem**

**Član 1.**  
**(Predmet Odluke)**

Prihvata se preporuka Komisije za nabavku roba u postupku javne nabavke mobilnih aparata u okviru tarifnog modela "top tima" i ugovor za javnu nabavku dodjeljuje se ponuđaču "**BH TELECOM**" d.d. iz Sarajeva, za ukupnu cijenu ponude u iznosu od 1.140,24 KM bez PDV-a, odnosno 1.334,08 KM sa PDV-om.

**Član 2.**  
**(Prijedlog ugovora)**

Prijedlog ugovora dostavit će se na potpis izabranom ponuđaču u skladu sa članom 98. stav (2) tačka a), a u vezi sa članom 72. Zakona o javnim nabavkama („Sl. glasnik BiH“, broj 39/14) (*u daljem tekstu: Zakon*).

**Član 3.**  
**(Objava Odluke)**

Ova odluka objavit će se na web-stranici ugovornog organa [www.sszp.ks.gov.ba](http://www.sszp.ks.gov.ba), istovremeno s upućivanjem obavijesti ponuđaču koji je učestvovao u postupku javne nabavke, u skladu sa članom 70. stav (6) Zakona.





## Obrazloženje

Na osnovu ukazane potrebe za nabavkom mobilnih aparata u okviru tarifnog modela "top tima" za potrebe Kantona Sarajevo, donesena je Odluka o postupku javne nabavke broj: 17-14-48804 od 03.12.2020. godine, kojom je predviđena provedba pregovaračkog postupka bez obavještenja o nabavci.

Predmetna nabavka se vrši putem pregovaračkog postupka bez objave obavještenja o nabavci obzirom da je riječ o robi koja se nabavlja po posebnim uvjetima po osnovu poslovnog aranžmana, odnosno iz razloga što ugovorni organ koristi usluge "top tima" te u okviru ovih usluga ima određene pogodnosti plaćanja na rata uz primjenu odgovarajućih popusta pri kupovini mobilnih uređaja.

Na osnovu prezentiranih činjenica, odnosno nakon provedenog pregovaračkog postupka bez objave obavještenja o nabavci, Komisija za nabavku roba je konstatovala korektnost dostavljene ponude, te jednoglasno usvojila prijedlog da se ponuda ponuđača «BH TELECOM» d.d. iz Sarajeva, prihvati, te dala takav prijedlog rukovodiocu ugovornog organa.

Razmatrajući prijedlog Komisije, ugovorni organ je konstatovala da je provedena procedura javne nabavke u skladu sa Zakonom i isti je u cijelosti prihvaćen.

Na osnovu navedenog, odlučeno je kao u dispozitivu.

### POUKA O PRAVNOM LIJEKU:

U skladu sa članom 101. stav (1) tačka d) Zakona, protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke, na način propisan čl 99. i 105. Zakona.



### Prilog:

Zapisnik o pregledu i ocjeni ponuda

### Dostaviti:

1. Ponuđaču
2. a/a



web: <http://vlada.ks.gov.ba>  
e-mail: [sszp@sszp.ks.gov.ba](mailto:sszp@sszp.ks.gov.ba)  
Tel: + 387 (0) 33 562-094,  
Fax: + 387 (0) 33 562-220  
Sarajevo, Reisa Džemaludina Čauševića 1

